

## Riikksuávtõõzz asetõs kíõllaa'sši sagstõõllámkáá'ddest

Riikksuávtõõzz tu'mmstõõgg meáldlânji šiotteet:

1 §

*Mie'rr*

Ķiõll-lää'jjšiõttummuž tiu'ddepiijmõõžž da suávdummuž ouu'dummuž da seu'rrjummuž, kíõl'laž vuõiggâdvuõđi teáuddjummuž ouu'dummuž da seu'rrjummuž di kíõl'laž áárrmõõžži ouddnummuž seu'rrjummuž vääras lij vuõiggâdvuõttministeria õhttvuõđâst kíõllaa'sši sagstõõllámkáá'dd.

Riikksuávtõs peejj sagstõõllámkáá'dd neellj eeggas vuárstes.

2 §

*Tuâj*

Sagstõõllámkáá'dd tuâjjan lie:

- 1) vie'kkted vuõiggâdvuõttministeria kíõll-lää'jjšiõttummuž tiu'ddepiijmõõžž da suávdummuž seu'rrjummšest, mie'ldd looggee'l ee'ttiĳ-kâdda juõ'kk vaalpââ'j kíõll-lää'jjšiõttummuž suávdummšest u'vddemnalšem riikksuávtõõzz mušttlõõzz valmštõõllmest;
- 2) tuârjjeed kíõll-lää'jjšiõttummuž tiu'ddepiijmõõžž, ouu'deed jeâ'rben meersažkíõli, sää'mkíõli da sie'vvemkíõli âânnmõõžž da sââ'j di seu'rrjed da ouu'deed kíõl'laž vuõiggâdvuõđi teáuddjummuž, da tãn meâ'rest taarb mie'ldd tuejjeed e'tkkõõžžid da u'vdded ciálklmid;
- 3) ouu'deed kíõlljoouki vuârrmainstummuž da õhttsažtuâj halltõõžžin da ve'rġġnii'kkivui'm.

Sagstõõllámkáá'dd vuáitt še:

- 1) seu'rrjed jânnam kíõlláárrmõõžžid di meeraikõskksaž ouddnummuž da õhttsažtuâj;
- 2) jiijjâs alttõõžž vuâđald valmštõõllâd vuõiggâdvuõttministeria âânnmõ'sše siâzztõõžžid kíõll-lää'jjšiõttummša da tõn suávdummša õhttneeĩ kõõččmõõžžin di tuejjeed alttõõžžid kíõl'laž vuõiggâdvuõđi ouu'deem diõtt da kíõl'laž õõutverddsazvuõđ teáuddjem diõtt;
- 3) ouu'deed jee'res va'stteeĩ naa'lin 1 §:st šiottuum sagstõõllámkáá'dd meâ'r.

3 §

*Norrõs*

Sagstõõllámkáá'ddest lie saaggjââ'dteeĩ, väärrsaaggjââ'dteeĩ da jâänmõsân 20 jee'res vuâzzla, koin juõ'kkkast lij persoanlaž väärrvuâzzlaž.

Sagstõöllâmkkåå'ddest lie oudstum sagstõöllâmkkåå'dd tuâjai peä'lnn kõskksa ministeria, tøn tuâjai peä'lnn kõskksaž suõ'rji, kå'ddvaaldâšm da pue'rrvââjjamvuu'di vaaldâšm di ķiõlluâl le'be ķiõlltu'tķķummuž ä'sšstobddmõš di jee'res sagstõöllâmkkåå'dd tuâjai peä'lnn tää'rķes ä'sšstobddmõš. Lââ'ssen sagstõöllâmkkådda kåáččat oudstee'jid Svenska Finlands folkting -organisaatiost, sää'mtee'ğğest di lâä'dd sie'vvemķiõl da lâä'ddruõcc sie'vvemķiõl õõ'nn'ji organisaatioin.

Sagstõöllâmkkå'dd vuäitt káččad põõšši le'be kõskkpoddsaz ä'sšstobddjid di taarb mie'ldd kuullâd jee'res ä'sšstobddjid.

4 §

#### *Toi'mmjummuž riâššmõš*

Sagstõöllâmkkå'dd lij mie'rreemvâlddsaz, ko sâbbar saaggjåå'dteei da uu'ccmõsân peä'l jee'res vuâzzlain lie sâbbrest. Jõs ää'sš tu'mmjeen puä'tte ou'dde järneei vuäinalm, tu'mmjet ää'sš õõutķeârddsaž jiõni jāänbõõzzin. Jõs jiõn mâ'nne tässad, rä'tķķad tõt vuäinalm, koon saaggjåå'dteei lij tuärjjääm.

Sagstõöllâmkkåå'ddest lij piisar le'be lie piisar, koid vuõiggâdvoõttministeria mie'rrad.

Sagstõöllâmkkå'dd tu'mmai jee'res mõõntõõllâmnaa'lin, kook kue'sķķe tøn toi'mmjummuž riâššmõõžž. Sagstõöllâmkkå'dd vuäitt piijjâd tuâjvälljkåå'dd di taarb mie'ldd juâggtõõzzid da tuâjj-jooukid.

Sagstõöllâmkkåå'dd vuâzzlai da ä'sšstobddji koolai ko'rvvummšest tu'mmai vuõiggâdvoõttministeria.

5 §

#### *Viõ'ķķepuätmmõš*

Tät asetõs puätt viõ'ķķe mannu peei'v 2026.

Täin asetõõzzin kåå'mtet:

- 1) riikksuâvtõõzz asetõõzz sie'vvemķiõllaa'sši sagstõöllâmkkåå'ddest (690/2020);
- 2) ķiõll-lää'jj tiu'ddepiijmõõžžâst uvddum riikksuâvtõõzz asetõõzz (433/2004) 1 låågg.